

**PERSATUAN PESARA
UNIVERSITI KEBANGSAAN MALAYSIA**

BIRO RIADAH DAN LAWATAN

Ahli jawatankuasa kecil

Muhammad Yahaya (Prof. Emeritus Dato' Dr)- Ketua
Abd. Rahman Madon
Ishak Hj. Arshad (Ir)
Kamariah Mohd. Yusof
Mohammed Othman
Noraini Hussin
Salmah Kasmani

Sepanjang tahun April 2017- Januari 2019 Jawatankuasa telah menganjurkan beberapa aktiviti, antaranya:

1. Riadah dengan kerjasama Persatuan Qigong Bangi dan senamrobik dengan kerjasama Klinik Kesihatan BBB:

- a. Senaman Qigong pada setiap hari Sabtu di Taman Cempaka BBB.
- b. Senamrobik anjuran Klinik Kesihatan Bandar Baru Bangi diadakan setiap hari Jumaat jam 8.15 pagi atau setiap Rabu dan Jumaat jam 5.30 petang, bertempat di kawasan parkir bersebelahan klinik. Pada setiap pagi Jumaat selain senamrobik, aktiviti lain seperti ceramah-ceramah kesihatan juga diadakan sekali sekala, begitu juga ujian paras gula dan tekanan darah bagi peserta.

2. Golf Amal

Golf amal pesara telah diadakan pada 26 Nov 2018 bertempat di Kelab Rekreasi, UKM. Seramai 80 peserta telah mengambil bahagian dalam acara ini. Aktiviti ini juga telah berhasil menyumbang sejumlah RM4,290.00 untuk dana Persatuan.

3. Lawatan/Riadah

- a. Lawatan: Kunjungan ke Lombok + Golf , telah diadakan pada 12-15 Mac 2018. Seramai 12 ahli pesara dan keluarga telah ikut serta. Lawatan ini telah diuruskan oleh Plus and Plus Travel Tours.
- b. Pada 5-9 Ogos 2018 , seramai 25 ahli Pesara dan pemain golf berkunjung ke Surabaya. Rombongan ini bernasib baik kerana terhindar dari gempa bumi yang menimpa pulau Lombok, Bali. Namun beberapa gegaran Kecil berlaku di Surabaya yang tidak mendatangkan sebarang musibah. Rombongan di bawa melawat gunung Bromo, dan beberapa kawasan bersejarah serta berpeluang bermain golf .

- c. Lawatan ke Nasyrul Quran, Putrajaya pada 29 Ogos 2018, (kerjasama dengan Masjid Al-Umm). Lebih kurang seramai 40 orang peserta termasuk ahli Persatuan Pesara UKM. Nasyrul Quran merupakan tempat pencetakan Al-Quran dan lain-lain aktiviti yang berkaitan dengannya seperti penyelidikan, penterjemahan. Projek Kerajaan Malaysia yang bernilai 60 juta. Ia juga merupakan mercu arah kesenian Islam dan Pusat Pengajian Al-Quran.
- d. Lawatan ke Pulau Batam dan Pulau Bintan, Indonesia, 21-25 Januari 2019. Seramai 20 peserta termasuk ahli Pesara UKM dan pemain golf telah menyertai kunjungan ini. Menginap 3 hari di Batam dan sehari ke Pulau Bintan dan Pulau Penyengat yang terkenal dengan sejarah Islam Melayu dan sejarah perjuangan Kerajaan Kesultanan Riau pada abad 18. Ahli rombongan juga antaranya sempat meluangkan masa bermain golf juga sempat berkunjung ke makan Raja Ali Haji, penyair dan sejarawan yang terkenal dan merupakan salah seorang pertama yang menulis tentang panduan bahasa Melayu pada tahun 1800. Beliau juga penulis Gurindam Dua Belas.
- e. Lawatan ke Johor Baharu dan Kunjungan Muhibah dan Perkongsian Ilmu di Rumah Kebajikan Muhammadiyah, Bedok North Singapura dan Masjid Sultan di Muscat St. Singapura pada 21-23 Januari 2019 (kerjasama dengan HELWA, PKIAN, Surau An-Nur). Seramai 18 orang peserta termasuk ahli pesara telah menyertai rombongan ini. Awal kunjungan 21hb Januari 2019 kami berlegar-legar menyusuri pekan Johor Baru, melihat Bandar Sri Iskandar yang dahulunya di panggil Tanjung Puteri, Pantai Lido dan Woodland. Hari kedua, Rumah Kebajikan Muhammadiyah. Ia ditubuhkan di bawah Kementerian Kebajikan dan Pembangunan Keluarga Singapura menempatkan kanak-kanak lelaki yang bermasalah moral, terbiar, punya kes mahkamah, gelandangan, berumur antara 10-19 tahun. Seterusnya ke Masjid Sultan terletak di Kampung Gelam, Singapura iaitu bersebelahan dengan Istana Kampung Gelam. Ia merupakan masjid pertama, tertua dan yang terbesar dibangunkan di republik itu. Ia di bina pada tahun 1824 oleh Sultan Hussein Shah, sultan pertama di Singapura. Sir Stamford Raffles telah menyumbang sejumlah S\$3,000.00 bagi pembinaan awal masjid ini yang asalnya hanya satu tingkat. Satu-satunya masjid di Singapura yang telah dianugerahkan sijil ISO9001-2015 pada tahun 2016.

Dikemaskinikan 01022019

Prof. Emeritus Dato' Dr Muhammad Yahaya dan
Salmah Kasmani